

ԳԻՏՈՒԹԻՒՆ ԵՒ ԱՐՈՒԵՍ

1. ԹՈՒՔԱՆՏԻ ԲԺՇԿՈՒԹԻՒՆԸ, Միլանի պրոֆ. Ջուզեպպե Լեւինը Վիկտոր - էմմանուէլ իտալական կայսեր ուղղած մի նամակում յայտնում է, որ ինքը գտել է Թորախտի հիմնաւոր բժշկութեան միջոցը:

Վաղուց էր աշխատում պրոֆ. տուրերկուլեօզի բժշկութեան ժամանակ հօդ գործածել Դորա համար նա պէտք է երկու արգելքների առաջն առնէր. առաջին՝ մարդկային կազմուածքի մէջ հօդ մտցնելու միջոցը, երկրորդ՝ դորան յարմար էլ հօդի խառնուրդ գտնել: Դնչպէս յայտնի է, վերջին ժամանակներս սկսել են հօդի դանազան խառնուրդներ գործ դնել. օրինակ՝ iodoform, iodol, aristol, iodoisakol և այլն, որոնք միջոց են տալիս ուղած ժամանակ հօդ մտ ցնել մարդու կազմուածքի մէջ: Թէպէտ այդ խառնուրդներն էլ բաւարար ազդեցութիւն են անում, բայց Թորքերի բժշկութեան ժամանակ վերջնական նպատակի չեն հասնում: Անհրաժեշտ էր մի ուրիշ միջոց գտնել և այդ փորձերի ժամանակ պ. Լեւինը նկատեց, որ թէպէտ և 2-3 օրից յետոյ կենդանիների արեան մէջ մտցրած հօդի ոչ մի նշոյլ չէ նկատուում, բայց և այնպէս այդ կենդանիների արիւնը տուրերկուլիօզի մանրէներ ոչնչացնելու յատկութիւն է ստանում:

Այստեղ Լեւինն այն եզրակացութեան եկաւ, որ այդ կերպով ստացուած արեան շիճուկը պէտքէ առողջարար յատկութիւն ունենայ Թորախտի դէմ: Նա սկսեց փորձեր կատարել մարդկանց և կենդանիների վրայ:

Սակայն նրա յոյսերը չիրականացան. թէպէտ արեան շիճուկը բաւական գոհացուցիչ ազդեցութիւն էր անում, բայց շատ հեռու էր հիւանդութիւնը հիմնաւորապէս բժշկելուց, նոյնիսկ թեթև և ոչ սաստիկ հիւանդութեան ժամանակ: Բայց, վերջապէս, երկար փորձերից յետոյ պր. Լեւինը յաջողուեց այնպիսի մի նոր կերպարանք տալ հօդին, որ նա ստանում է բոլոր անհրաժեշտ յատկութիւնները և վերջ ի վերջոյ հիմնաւորապէս ոչնչացնում է Թորախտը:

Այդ դրութեան մէջ եօդը կորցնում է իր թունաւոր գըր-գոող յատկութիւնը, մարմինը ոչ մի հակահալ ազդեցութիւն չէ արտայայտում, այլ ընդհակառակը ամեն անգամ հեշտութեամբ է ընդունում շիճուկը:

Տուբերկուլեօզով հիւանդին այդ շիճուկը պատուաստելուց յետոյ, նկատուում են արեան ուժեղ շրջանառութիւն, 10-15 անգամ պատուաստելուց յետոյ կամաց-կամաց տենդային դրութիւնը ընդհատուում է, հիւանդութեան երկոյթները անհետանում են և հիւանդը աւելի աշխոյժ է դառնում:

Տուբերկուլեօզի թարախակալութիւնից առաջացած դատարկ տեղերի վրայ եօդի պատուատի ազդեցութիւնը իմանալու համար, պր. Լեւինը փորձեր կատարեց կենդանիների վրայ, որից երևաց, որ տուբերկուլեօզով հիւանդ կենդանիներին 25-30 անգամ պատուաստելուց յետոյ դատարկ տեղերն սկսում են կրկին նոր գոյացութիւններով ծածկուել, իսկ մանրէները մի ինչ որ գոյն են ստանում և հաւաքւում մի տեղ:

Ինչ վերաբերում է մարդկանց, իհարկէ որ այդպիսի մանրազննական փորձեր չէր կարելի կատարել: Բայց այն բաւարար փոփոխութիւնները, որոնք նկատուել են մի շարք հիւանդների վրայ, իրաւունք են տալիս կարծելու, որ նոյնիսկ վերոյիշեալ դատարկ տեղերի գոյութեան ժամանակն էլ կարելի է հիմնաւորապէս բժշկել թոքախտաւորներին:

Պր. Լեւի միջոցի գործադրութիւնը շատ հեշտ է և գլխաւորապէս բաղկացած է բնական եօդի մաքուր, ջրի մէջ լուծւածքից, որ պատուաստում են սկաններին: Այդ պատուաստումները շատ հեշտ են կատարւում և ոչ մի հիւանդոտ երկոյթ չեն առաջացնում:

2. ԾՈՌՐԱԿԻ ԿՕՆՏՐԱԿՏՈՒՐԱ: Մեննինգիտ, կամ ինչպէս ասում են կօնտրակտուրա նոր հիւանդութիւնը, որ վերջին ժամանակներս համաճարակ ընթացք է ստացել արտասահմանում, մեծ շփոթ և երկիւղ առաջացրեց այնտեղ:

Գերմանական բժշկի Փրանկը, որ Կաշտովիցի քաղաքային հիւանդանոցում հետազօտել է յիշեալ հիւանդութեան ամբողջ ընթացքը, մեծ յօգուած է նուիրել յատկապէս այդ հիւանդութեան:

Ինչպէս երևում է, կօնտրակտուրա հիւանդութիւնը նոր բան չէ, այլ շատ տարիներ առաջ էլ է եղել: Առաջին դէպքը պատահել է Ժնևում. այնուհետև 1882 թուին երևացել է և Գերմանիայում. իսկ անցեալ դարու վաթսուական թուականներին արդէն յաճախ էր նկատուում:

Հիւանդութեան գլխաւոր ախտանշանները կարելի է հեշտութեամբ նկատել հասակն առած կամ թէ մանկութեան հասակն անցած հիւանդների վրայ: Չարագուշակ ախտանշաններն են՝ անտանելի գլխացաւ, ոսկրացաւ, ցնցումներ, դառանցանք, քութէշի նման բշտիկների և կէտերի գոյանումն ամբողջ մարմնի վրայ: Ամենաչնչին շօշափումն անգամ անտանելի ցաւ է պատճառում հիւանդին: Հիւանդի զարկերակը շատ փոփոխական է լինում, մէկ տենդային դրութիւն է արտայայտում, մէկ էլ բնական կերպարանք է ստանում: Այդ դրութեամբ հիւանդութիւնը կարող է 4-6 շաբաթ տեւել և այդ ժամանակամիջոցին յաճախ հիւանդութիւնն այնպիսի սուր կերպարանք է ստանում, որ հիւանդները (գլխաւորապէս հասակաւորներ) 3-4 օրուայ ընթացքում մեռնում են: Բայց լինում են դէպքեր, երբ հիւանդութիւնը շատ արագ և լաւ է անցնում:

Կօնտրակտուրայի ամենածանր երևոյթի հետեւանքները, այսինքն խլութիւն, կուրութիւն, ապշութիւն և այլն, ցոյց են տալիս, որ ուղեղի բորբոքումը մինչև նեարդերի արմատներն է տարածւում:

1887 թուից Վիեննայի բժիշկ Վեկսելբաումը գտել է կօնտրակտուրայի համաճարակ տեսակի մանրէն (ДИПЛОККОКЪ): Փոքր դեր չէ կատարում և մարդու կազմուածքի առանձնայատկութիւնը: Սլափիկայում վերոյիշեալ մանրէն գտնուել է նոյն իսկ առողջ երեխայի քթի լորձամաշկի արտաթորութեան մէջ: Բժիշկ Ֆրանկն ասում է, որ այդ հիւանդութեան դէմ բժշկականութիւնը ոչ մի միջոց չունի, այնպէս որ ստիպուած են լինում նրա առանձին երևոյթների դէմ մաքառել: Նա անհրաժեշտ է գտնում—հիւանդներին առանձնացնելը, ֆիզիքական և հոգեկան բացարձակ հանգստութիւն, և յաճախակի վաննաներ

ՕՐ. ՆՈՒԱՐԴ ԱՂԱՆԵԱՆՑ

Երիտասարդ ճարտարապետ-տեխնօլոգ Յովհաննէս Խիզանեանը ձեռնարկել է մի կարեւոր և մեծ աշխատութեան.—նա կազմում է հայկական ճարտարապետութեան և հնախօսութեան վերաբերեալ մի ընդարձակ գործ, որի մէջ պէտք է մտնեն Հայոց վանքերի և հնութիւնների մեծ թուով գունաւոր և սև պատկերներ: Մենք առիթ ունեցանք տեսնել նորա՝ այդ նպատակի համար նկարած մի քանի իւղաներկ մեծադիր պատկերները՝ Մեծ ու փոքր Մասիսների, Սանահնի կամրջի, Հաղբատի ներսի մի տեսարանի և այլն, բոլորն էլ գեղարուեստական ընտիր գործեր, որոնց մանրանկարները պիտի մտնեն յիշեալ աշխատութեան մէջ:

Այդ գործի հրատարակութիւնը հաշուած է 15—20 հազար ռուբլի: